


TENISA



Stefan Edberg ATPko lehen postua berreskuratu du.

Edberg ATPko lehen postua berreskuratu du U.S. Openean

NEW YORK

Stefan Edberg suediarrek Tenis-Profesionalen sailkapeneko (ATP) lehen postua berreskuratu zuen U.S. Open Torneoan lortutako garaipenaren ondoren. Torneo hasi aurretik Edberg ATPko bigarren postuan zegoen, Boris Becker alemaniarren atzetik. Suediarrek Wimbledon galdu zuen lidergoa torneo kaskarra egin ondoren, eta zenbait unetan gertu ibili bada ere, ez du orain arte berreskuratu izan.

Flushing Meadowsko zelai nagusian jokaturako finala azkenaldi honetako laburrena izan zen, Edberg erraz gaintu bait zuen Jim Courier estatubatuarra 6-2, 6-4, 6-0ko emaitzaz. Suediarrek izugarriko jokoa erakutsi du aurtengo Grand Slameko azken torneoan, denboraldi guztian motel ibili bada ere. Finala amaitu ondoren adierazi zuenez, Michael Chang estatubatuarren aurka jokaturako kanporaketa izan zen torneo partidurik garrantzitsuenak. «Michael Changen aurrerantziatsuenak, bertan hasi bait nintzen nire benetako jokoa erakusten».

Hortik aurrera, Edberg arazo handirik gabe irabazi ditu bere partiduak, aurrean arerio bikainak edukirik. «Ivan Lendlen aurka oso ondo jokatu nuen, Changen aurkako partiduan baino hobeto eta Courierren

aurka egin dut dudarik gabe torneo guztiko partidurik onena». Garaipen hau oso garrantzitsua da Edbergen zat, aurtengo Grand Slameko torneoetan nahiko motel ibili bait da. «Hau da U.S. Open torneo irabazten duan lehenengo aldia eta oso pozik nago, orain arte ez bait dut nire jokoa eman. Azkenean egunero egindako lan guztiak bere emaitzak izan ditu eta hori da orain garrantzitsuenak».

Etorkizunari begira, Edberg Roland Garros Torneo eskuratzeko desioa agertu zuen, hori bait da Grand Slameko torneoen artean falta zaion bakarra. «Austriako Irkia, Wimbledon eta U.S. Open irabazi ditut jadanik eta datorren denboraldian Roland Garros irabazi nahi nuke. Hori da torneo handien artean falta zaidan torneo bakarra eta beraz, Parisen irabazi nahi dut».

Hala ere, suediarrek lan asko egin beharko du Frantziako Irkian nagusitu nahi badu, lur harrotuko torneoetan ez bait da berak nahi bezala moldatzen. Azken urteotan asko entrenatu du moeta horretako zelaietan eta hobekuntza nabaria izan da. «Azken urte hauetan lan asko egin dut nire jokoa lur harrotuko zelaietara egokitzeko eta uste dut lortzen ari naizela. Zaila izango da Agassi, Courier, Lendl edo Becker bezalako jokalariek menperatzea, baina dena den horretarako lan egingo dgt hemendik aurrera».

SASKIBALOIA

Askatuak eta Caja Bilbaok porrot egin zuten lehen ihardunaldian


Bilbotarrek sekulako jipoia jaso zuten Basketmarren kontra

Futbolearen gertatu den legez, saskibaloiko bi euskal taldeek ez diote hasiera ona eman lehen mailako 1991-1992 denboraldiari. Aldalurren mutilek ezin izan zuten lehen zatian lortutako aldeari eutsi Guadalajaren kontra, eta Caja Bilbaok ordea, 19 puntuz galdu zuen A Coruñan igo berria den Basketmar taldearen kontra jokaturako partiduan.

RAMON BASALDUA / BILBO

Lehen maila honetako lehen partidutik ikusi da, Caja Bilbaok ACB mailara itzultzeko bete behar duen bidea oso gogorra izango dela, gainerako taldeek ere, lehen maila utzi nahi dute eta. Txema Gonzalez Capetillok sekulako plantila osatu du, baina izen ospetsuak edukitzeak (Kopicki, Ortega, Carbajo) ez du igoera berez ekarriko, A Coruñako Riazor pabilioian argi geratu zenez.

Etxean edo etxetik kanpo jokatzeak sekulako garrantzia du saskibaloian. Hori dela eta, kanpoko partiduak izaten dira talde baten denboraldia zehazten dutenak. Caja Bilbaok eta Athleticen antza handia dute, bi taldeetan jokalariek onak egon arren, ez bait dira partidu bat aurrera ateratzeko gai. Iaz inork ez zuen uste Cajak ACB maila galduko zuenik baina azkenean, lehen mailara jaitsi zen. Aurtengo dago aitzakiarik. Jorge Linaresek zuzentzen duen taldeak aurrekontua handia du eta ezin du lehen maila honetan jarraitu, izan ere igoera lortzen ez badu, desagertzeko arriskuan egon daitekeelako. Bas-



Askatuak makal hasi du denboraldia.

MITXELENA

ketmarren kontra gertatu dena ezin da inondik eta inora errepikatu, bigarren mailatik igo berria den taldea baten kontra galtzea ezin da onartu eta.

KASIK BAINA EZIN

Josean Aldalurren zuzentzen duen Askatuak ezin izan zion Chuchi Carrerak sek trenatzen duen Guadalajara taldeari irabazi, Anoetan jokaturako lehen mailako lehen partiduan. Donostiarrak hamabi puntuko alde lortu ondoren, ezin izan zuten partidua kontrolatu eta Guadalajarakoek

emaitzari buelta eman zioten, atsedendaldirako bost puntuko alde lortuz.

Bigarren zatia hasi bezain laster, hamalau puntuko alde lortu zuten Carrera entrenatzaile gaztearen mutilek, Askatuak erdi lotan zeuden bitartean. Dena den Aldalurren mutilek ez zuten amore eman eta hiru puntura jarri ziren partidua amaitzeko bi minutu geratzen zirenean. Azkenean ezin izan zioten emaitzari buelta eman eta Guadalajara izan zen garaipena, hiru puntuz, eskuratu zuena.

Slobodna Dalmaciak istiluak izan ditu aurrendenboraldi honetan

DONOSTIA

Jugoslaviako egoera politikoak ondorio larriak izan ditzake saskibaloian munduan. Slobodna Dalmacia taldeak (iazko Jugoplastika) momentu latzak bizi ditu aurrendenboraldi honetan, bertako jokalarien arteko harremanak oso berotu bait dira politikaren ondorioz.

Ranko Zeravikak entrenatzen duen taldeak izugarri ondo jokatu zuen aurrendenboraldiko lehen partiduetan, hiru Europako Kopa jarraian irabaztearen arrazoia erakutsiz. Baina Jugoslaviako egoera okertuz joan ala, Slobodna Dalmaciako jokalarien artean istiluak hasi ziren eta horrek ondorioak izan zituen taldearen jokoan. Azken aste hauetan, Jugoslaviako taldeak jokaturako partidu guztiak galdu egin ditu, oso joko motela eginez.


Aurreko asteburuan, Slobodna Dalmaciak Hector Quiroga Tor-

neoan parte hartu du eta itxura kaskarra erakutsi du benetan. Serbiarren eta kroaziarren arteko gatazkak konpondu nahian, Ranko Zeravikak bilera berezia antolatu zuen zeuden hoteleko lorategian, baina dirudie-nez gauzak ez ziren espero bezala joan. Jokalariek bi orduetan hitzegin zuten eta bilera amaitu ondoren beren arteko haserrea zen nagusi.

EUROPAKO NAGUSITASUNA ARRISKUAN

Jugoslaviako taldeek eta batez ere Jugoplastikak nagusitasun osoa erakutsi dute Europan azken denboraldi hauetan. Baina egungo egoera aldatzen ez bada, arazo larriak izango dituzte nagusitasun horri eusteko Taldeko jokalarien arteko adiskidetasuna zen orain arte jugoslaviarren ezaugarrietako bat, orain galtzeko arriskuan dagoena, alegia.

Azken urteetan, Jugoslaviak selekzio bikaina osatu du eta itxaropen



Jugoslaviako selekzioa.

handiak jarri ditu Barcelona '92 Joko Olinpikoetan. Jugoslaviako federazioko agintariek azkar mugitu beharko dute arazoak argitzeko edo bestela, horrenbeste lan egin ondoren lortutakoak porrot egingo du ez bairik gabe. Europako gainontzeko herriek ere zer esanik izango dute arazo horretan.